

2994 (81) XXXIII.
DISSERTATIO INAUGURALIS MEDICA
MEDICINAM
PSEUDO-MIRACULOSAM
APERIENS,

Quam
AUSPICE DEO PROPITIO,
Consensu atque Auctoritate Gratiſſæ Facultatis Medicæ,
IN ALMA REGIA FRIDERICIANA,
PRÆSIDE
DN. D. MICHAELE ALBERTI.

SACR. MAJ. REG. BORUSS. AULICO ET CONSIST. MAGDEB.
CONSILIARIO SENIORE, MED. ET PHILOS. NATUR. PROFES-
SORE PUBLICO ORDINARIO, ALUMNORUM REGIORUM
EPHORO SENIORE,

FACULTATIS MEDICÆ SENIORE,

Domino Patrono, ac Promotore suo, omni honoris cultu prosequendo

PRO GRADU DOCTORIS
SUMMISQUE IN MEDICINA HONORIBUS ET PRIVILEGIIS
DOCTORALIBUS LEGITIME MORE MAJORUM IMPETRANDIS,

ANNO MDCCLIII. D. MAII.

HORIS LOCOQUE CONSVETIS

PUBLICÆ AC PLACIDÆ ERUDITORUM VENTILATIONI SUBJICIET

AUCTOR

GEORGIUS HECK,
LANDAVIO-ALSATUS.

HALÆ MAGDEBURGICÆ,
TYPIS JOH. CHRISTIANI HENDELII, ACAD. TYPOGR.

~~7441C9~~

A.42266 2



V I R O
PERILLUSTRI, GENEROSISSIMO,
STRENUISSIMO DOMINO
D O M I N O
GEORGIO FRIDERICO
DE MANSTEIN,

SERENISSIMI REGIMINIS ANHALTINI
SACR. REG. MAJEST. BORUSSICAE

TRIBUNO MILITARI,

MECAENATI SUO PERQUAM
GRATIOSO.

VIR PERILLUSTRIS, GENEROSISSIME!


*S*I ad aram quisque multis sibi sacram titulis, tanto alacriori ascendit promptitudine, eo vivaciori suas ex eadem suspendit votivas semper primitias gratitudine, quanto largioribus inde beneficiis cumulari, rarioribus favorum splendoribus, clarioribus Beneficentiæ radiis illustrari, charioribusque Patrocinii Favoniis beari intime foveri sese convincitur: si ad Numen aliquod curvo quisque supplex accedit poplite manifestum grati animi erecturus monumentum quando idem in vota propitium lætatur, Dextra auxiliatrice ubique adstitisse sibi gratulatur, quidni & ego *VIR GENEROSE* ad *TE* aram mihi sacratissimam, *MECAENATEM* Numinis instar gratiosum festinus agar, pagellam hanc tenuem meas in arte medica Primitias animo oblaturus gratissimo. Beatum me! si ipsum hoc munusculum ea suscipiatur fronte, eo suscipiatur animo, qua nutritum est voventis devotione, qua profectum voluntate dicantis. Profecto jam non erit quod ultra metuum, ne sinistro spretum supercilio infelix gemiscat, dente critico laceratum claudicet, veritatis nostrum invidia flamma & rogis cruciandum cinerescat, & quasi luce indignum perpetuæ oblivionis & horroris tumulos visitet: *TUO* suffultum *TUO* tectum favoris clypeo prodibit intrepidum, vel viso enim *TUO* Nomine, & sub quo splendet Numine confusa recedet malevola hostium turma, territa invicto Religionis tuæ zelo; victa illustri

lustri virtutum in te una conspirantium cœtu: *VIR*
Petra es Nomen TUUM illustre sonat, & omen pro-
bat. Virtus suo TE sinu fovisse, lacte purissimo nu-
trisse, tenerrimo affectu educasse videtur. Me Hercle
Augustam virtutum TUARUM seriem, quæ longe
facundie languescentis vires exsuperat, eo liberior
silentio veneror, quo facundius eam uno ore miratur
Hala, extollit Prussia, Famaque p̄ oras orbis ex-
tremas longo decantat encomio, innatam nempe TI-
BI clementiam ubique exseris, ut non tam TIBI
quam aliis natus esse credaris, quis rerum in angu-
stiis misere pressus quem non erexisti, quis novercan-
tis fortunæ lusu abjectus ad TE recurrit, quem non
suspexisti, cui non prospexisti & tutum jam furori
sortis ereptum protexisti; Petra es quam furor belli
nullus, tempestas periculorum nulla, nulli laborum
fluctus concutiunt, fortior persistis semper, testantur
illustria queis decoratus incedis insignia, loquuntur
tituli, effantur dignitatum fastigia, quæ meritis, in-
victo robore, rara fortitudine parasti, qui ferreas in
segetes, apertas in Phalanges volitas felicique suc-
cessu penetras, ut vivum illud intrepidæ generositatis
Augustum speculum Regum ille in Terris gloriosissi-
mus: Monarcha Borussicæ potentissimus non semel
multorum in facie effatus sit: TUA quod agitur dex-
teritate perfectum & suo quasi Numine absolutum ap-
probari. Verbo dicam VIR PERILLUSTRIS
MECAENAS graciosus Mercurio dexteritate Jo-
vi ingenii acutie, Marti generositate non impar es,

ut & Dii Deæque omnes unito fœdere in te promi-
cent, sic & æternitati par es quam benigno in omnes
animo factisque præparasti Heroicis: quæ & animum
mibi addunt, ut eo majori fiducia pagellas has TIBI
consecrem sub te tuto latituras, TUO cupiunt & anxie
efflagitant foveri Patrocinio, TIBI dicatæ placere ap-
petunt, quem donis supra naturam elevatum venera-
bunda intuetur, intuendo veneratur. Accipe igitur de-
votæ subjectionis leve quidem documentum, sed animi
gratissimi perpetuum monumentum, patere ut TUA
sit, fiet inde ut & ego, orbi conspectius reddam quan-
tum TIBI debeam: qui non desinam precari superos,
ut anni TUIS æquent meritis TEque TUOSque pe-
renni benedictione perennare jubeant: secundent cæ-
pta unigeniti quem habes, filii, ut Parentis vestigia
legens immortalis laudis honore decoratus, famam
TUAE similem assequatur, morituram nunquam, pro-
tegit ala Numinis TUAE generositatis ac dexterita-
tis surculum, ut Matris Illustris virtutes æmulans
recto vivæ pietatis adolescat tramite, supernæ bene-
dictionis rore irrigatus Diis & hominibus gratior
semper vigescat, virescat, voventis autem animum se-
rena fronte, gratioso affectu suspicere non dedignare,
enixe precor.

VIR PERILLUSTRIS, GENEROSISSIME,
MECAENAS PERQUAM GRATIOSE

obstrictissimus TUORUMque infimus
GEORGIUS HECK.



DISSERTATIO
MEDICINAM PSEUDO-MIRACULOSAM
APERIENS.

PROOEMIUM.



Satius esse de re ipsa quærere, quam mirari Divi sunt verba Senecæ quæ non parum me movere, ut plura quæ rugata fronte sed infirma ratione mirantur plurimi, jam non mirer, ast rimer potius, profecto sublimioris ingenii ac veros Philosophos libere semper in veritate inquirenda ratiocinantes hac ipsa via incessisse Galeni exemplo constat, qui *L. 2. de morb. vulgar.* ego quidem inquit, neque in Hippocratis solum, sed in omnibus antiquorum libris observo, ut non temere, quæ quisque eorum differit approbem, sed experientia & ratione verumne an falsum sit examino, ergo animadvertendum esse in eos jure concludo qui Physica tractantes, præcipitanter nimis varia nescio quæ sine ratione excogitant, sine principio amplectuntur,
ac

ac magnificentius ubique commendare non verentur, aut turpis lucri gratia, aut metu vel ficta pietatis specie veritati obnitentes: futilius autem atque inutilius commentum quodnam latius pervagatum est, quam quod de miraculis innotuit forum medicum involans? quod tamen puris putis conjecturis innixum, dolo plerumque plenum, nugamentisque prægnans oculatiori patescit orbi, pateſcet quoque tanto magis, dum hæc ipsa examinanda rectæ rationi contraria refutanda proposui, quo cesset tandem anilis persuasio & liberis Philosophorum ingeniis imponere desinat, absit autem ut simpliciter hac pagina Philosophum induam, non habito medicinæ respectu, absit ut omne id quod mirum videtur in orbe penitus intueri, solertius scrutari, intensius rimari attentem, in volumen cresceret, quod brevibus sepius limitibus placet, juvat potius ad instituti mei rationem, quæ Medica sunt, eligere, Thema Dissertationis orbi litterato subiecturus. Forsan excommunicationis sententia fulminor, Papati Jovis fulgure auctori tamen minus molesto quam paginæ, si infelix mancipiorum ejusdem in manus inciderit, quorum pias fraudes, impias potius dixero plebis fascinationes, detegit, interim pro veritate standum, non hæc me terrent, videbunt alii feliciore nati fidere, num pœna innocuæ irroganda chartæ demerito congrua, judicabunt reliqui, quos aurum & argentum e credulorum oculis emungendi cupido nulla tangit, si temerarii aut impostoris culpa inurendus. Miracula mere ficta tracto, morbosque (ut scopo meo fiat

fiat satis) naturali ordine sanatos, aut curatos fuisse demonstro, quos injuria in Medicinam maxima occulta & supra naturæ vires transeunte virtute eliminatos arbitrantur fabularum mercatores: atque ut clarius pateat, quid jam tractandum susceperim, divisam sisto tractationem, ut explorata paululum primum miraculorum natura eorumque criteriis, ad casus, falso ut miracula proclamatos, descendam, naturali ordine viaque ordinaria contingentes. Si singula, quæ hic afferre fas foret, non tetigero, non id adscribas precor lassatæ aut victæ explicandi potentiæ magis, quam tempori & lectorum patientiæ; ne si Dissertationem porrigere promiserò, volumen ingens, & ordini & consuetudini adversans, enascatur: licebit tamen a generalioribus ad specialiora facili conclusione transire, & quæ explicite non tractata creduntur, implicite tacta tamen videbuntur: fiat, ut cujus in nomine vela jam solvimus, ejusdem Numine ducti, remigio adjuti, feliciter ad littus appellentes & vela contrahamus, secundet prona benigni Numinis clementia, hæc nostra cæpta, ut superatis difficultatum syrtibus passim obviis trophæa laudis erigentes, canoros & sonoros magis ipsi pangamus modos.

§. I.

Qui in perscrutandis rebus metaphysicis acumen ut putant, & perspicuitatem cum amore veritatis conjungere sueverunt, Miracula effectus esse in sensus incurrentes, sed omnes omnium causarum vires superantes affirmant definitione, nec clara

B

nec

nec adæquata satis, cui enim quæso perspectæ adeo sunt vires naturæ, ut quinam effectus eos superet cognoscatur aut judicari possit. Inadæquatam dein dices: cum multi effectus, naturalem excedentes ordinem, in sensus incurrant, minime tamen sub miraculis absolute talibus comprehendendi, cum & præstigiæ Dæmonum, fraudes magicæ argumentatione manifesta classem miraculorum obscurarent, quæ tamen sensatorum nullus admiserit, non negans mira esse, ast minime miraculosa, ni Deum per Beelzebub operari temeraria ac blasphema defendat lingua: neque appositam judico divisionem illam in miraculum naturale & supernaturale, etenim si naturali contingat ordine effectus supernaturalis, quomodo servabit conceptum altioris ordinis, qui vi contingentiae suæ communem servat ordinem, dein, aut est naturale, mixtum quod fingitur miraculum aut non est, medium enim cum contradictorie sibi opponantur, non erit, ni duo immediate sibi opposita statuere omniumque sane ratiocinantium principia subvertere in vanum moliaris, tutius igitur atque aptius exclusa omni subdivisione hic superflua, Miraculum dicimus actum causæ primæ concursu immediato extra naturæ leges & ordinarias vires editum: ut enim res aliqua naturalis dicatur, effectusque modo naturali sequatur, iusta agentis ac patientis requiritur dispositio ac proportio, ut sese contingant (causa enim in distans non agit nisi medii alteratione) ergo quod naturale est ex opposito nulla habita proportionem contactu & dispositione sese contingeret, sed hoc ipsum contra naturæ vires esse apparet, ergo miraculum contra leges viresque naturæ pugnare legitime concluditur.

§. II.

Quod leviter hic tetigimus paulo exactius & ex arte continuare libet, cum fundamentum sit argumenti principaliter nobis intenti, quod si firmioribus stabilitum rationibus, fortius etiam suffulciet superstructas casuum mille explanationes, ne protinus ad Divos fiat recursus, ubi ratio cæcutiens insolitis morborum symptomatibus eluscatur, cum nil minus subsit quam tale quid: ergo prosequimur. Ut sit effectus supernaturalis, ratio ejusdem nec continebitur in essentia & natura vel viribus corporum, nec in essentia & natura totius mundi, quis enim impossibile esse non intelligit, ut in præsentì rerum naturalium nexu rationem sufficientem actus sui habeat, quod supernaturale est, imo quod contra cursum naturalem pugnat? quæ connexio effectus supernaturalis cum causa naturali? quæ proportio inter id quod juxta leges atque id quod contra easdem accidit, cum & Medicum & Philosophum hac opella agam attentius ipsam miraculi naturam inspicere instituo non acquiescens eo, quod sit supra naturam aut suspensis a Deo naturæ legibus producat, ipsa enim legum suspensio in quo tandem consistat vix reperio, aut enim privativum aut positivum adstruit? id est vel leges naturales passivæ omnino se habent & quiescunt, aut aliquid contribuunt? contribuere quidquam quis eas adferat in iis, quæ ipsarum potentiam exsuperant? ergo negative se habent, ergo aliquid aliud accedat oportet, quod effectum exferat, jam vel illud continetur in natura vel non, si primum naturale vides resultare, si secundum: sane & supra & contra naturam id erit.

§. III.

Communi omnium consensu, ipsaque ratione suffragante mundus hic optimus esse merito probatur & perfectus, perfectio autem consensum in varietate prodit, quae plura inter se, distincta in uno conveniunt fundamento, ut ne quid desit aut superabundet, tantaque major perfectio censenda est, quo accuratior diversorum convenientia, ergo ut mundus hic dicatur optimus, nexum partium omnium inter se admittere necesse est. Ipsa corporis tui fabrica satis hujus te convincit nexus. Actiones (ut fiat a minori ad majus conclusio) actionumque tuarum penitus scrutare principium, nulli jam dubio ultra expositus obviabit nexus, nunquid unum ab alio distinguis? quomodo distinguis nisi reflexione, quid haec nisi manifeste nexum importat? qui fiat ut certa ad objecta sensus tui moveantur, affectusque inde excitentur vehementissimi, ut anxio jam desiderio his inhies, sedula jam aversione alia repudies sublato rerum nexu? qui continget, ut varii in oeconomia vitali motus exsurgant, si inquietudine vexatur anima, ut membris dolentibus mens ipsa luctum compatiatur, ni nexui subscribas: artificiosam machinae humanae partium structuram, membra corporis examina fibrae nullae, muscoli nulli nec tendines suum quem occupant locum sine causa vindicant: in microcosmo autem si non obscurum nexum intelligas, in macrocosmo, cujus partem esse noveris, negare eundem quid audeas? Totum enim mundi systema machinam esse concedis, cujus essentia certo in structurae modo consistit, at qualibet in structura certae veniunt observandae regulae, secundum quas partes ipsae constructionem subeant, ut neglectis iisdem

dem vix perfectum exurgat artificium, ipsas vero compositionis regulas cuius parti suæ rationem coexistentiæ, nexusque inde legitime sequentis indidisse perfectissimo omnium partium consensu clare videbis ni cæcutias.

§. IV.

Finge tibi mundum ut seriem simultaneorum & successivorum: sine nexu eadem non concipies: quodcunque enim compositum, quod aut imaginatione aut ratione assequi potueris, necessario spatium quoddam implebit, nam partes & inter se distinctas & extra alias subsistentes numerat, cum vero quælibet pars se ipsam certo spatio determinet, unusque locus singulis totius compositi partibus non sufficiat, singula locum peculiarem obtinere sequitur. Ast vero locus in composito nil ordinat, ut hanc potius quam aliam compositi partem suscipiat, sed compositum ita spatium implet, ut structuræ ordinem exacte observet, in ipsis, quas habet, partibus ordinis rationem continens, ergo cum locus unice determinatum coexistendi modum inferat, ordo coexistentium vero ipsum audiat spatium, ratio cur determinato hoc partes compositi modo coexistant, nexus ipse erit, simultanea inter se jungens. Quem plane inconceptibilem & in successivis esse non argues.

§. V.

Enimvero cum ipse mundus compositum sit, mutabilem etiam ipsum dixeris. Non enim absoluta quadam necessitate partes ejusdem cohærent, ergo alium situm & locum occupare possunt, quin & actu occupant, ast aliter occupare non queunt, nisi per motum vi definitionis, quæ est transpositio partium ex uno loco in alium, qui motus,

cum varia in eo distingui possint, quæ præcesserunt & subsequuntur, in tempore contingat oportet, jam vero absque ordine nil in tempore (quod est successivorum ordo) fieri poterit, quidquid autem in mutatione servat ordinem, simul & nexum involuit, ergo & successive in mundo omnia connectuntur quoad tempus, ut & hodie non probabili tantum sed mathematica etiam demonstratione explicetur, quomodo pro diverso telluris in circulo ad æquatorem solis obliquo motu tempestates & oriantur & variant, nec Astronomorum operam solertiolem fallat calculus, ex quibus jam fluit nexum eventuum in hoc universo juxta essentiam rerum & regulas motus mundo huic proprium naturæ cursum appellari, tam inviolabili nexu, ut quidquid hunc mundum constituit, aut fuerit, aut si non jam adsit, futurum tamen nexui involutum sit, ut licet eventus non sit necessarius, certissimus tamen agnoscatur. Quidquid ergo in essentia & vi hujus mundi fundamentum habet, ut vel ex structura partium vel motus regulis rationali modo aut jam evolutum sit, aut evolvi queat, naturale audiet, aut cursui naturæ conveniens, quod econtra rationem existentiae tuæ nec in essentia nec in natura mundi habet contra naturam pugnabit.

§. VI.

Vera exinde Miracula sunt actus contra naturæ cursum, quis enim lynceis naturam pervestigans oculis solide illa explicare unquam potuit? aut ergo accuratam explicationem admittunt, aut non, si primum profecto cessabunt esse miracula, non & enim miramur ea, cuius solidam rationem rimamur atque offerimus, ni totum naturæ cursum miraculum, & quod naturæ contrariatur, naturale

turale afferere libeat: si nullo evolvi queant ratiocinio, a nexu rerum non dependent, ergo contra naturæ cursum dicas, ipsam enim mundi essentiam esse necessariam si admittas, (ut nemo disputat) partium quoque mutationem, quæ a structura divelli nequit, pariter respectu essentiae necessaria sit oportet, quomodo ergo miraculorum eventum accidentalem combinabis? cum nil ex hac structura & mutatione partium evenire per accidens possit, cum quælibet pars rationem in se contineat; cui ex hoc in alium transferatur locum, hanc & non aliam partem sibi coexistentem habeat; quo strictissimo nexu eventus omnis redditur certissimus, quo jam syllogismo probaveris miracula esse necessaria, aut aliquo modo certissima, cum oppositum sine contradictione ubivis hodie vigeat, nec contrarium sit statui aut præsentis aut futuro, nulla iis intermixta esse miracula. Sane quodsi absentia miraculorum naturæ cursui adversaretur, iis carere non posset insignique laboraret defectu, quem tamen inesse sapientum nullus statuerit eandem servando perfectionem, quam unquam habuit: quamvis hodiernum non rariora tantum, sed fere nulla contingant.

§. VII.

Hinc non est, quod ex successivorum nexu deducenda arbitremur miracula, quis enim successive contingere affirmat certo labente intervallo? quod nullum ortus sui observat tempus, jam ipsa miracula in instanti adsunt, ut nec quid prius, nec quid posterius eorundem sit in origine denominari queat, haud enim impossibile erit totam ejus naturam evolvere, cujus in productione aliquod temporis discrimen advertimus, quod enim successive fit,
ante-

antecedens a consequente distingui patitur, dum vero distinctio valet, præfens etiam erit, quod distinguatur, a quo, exercitata judicandi promptitudo crebriorque rerum experientia si accesserit; facilis resolutio non abhorret: ipsa vero miracula, cum omnem respuant explicationem, haud quidquam in se continebunt, quo resolvi possunt, ergo eo ipso ex structura universi hujus haud derivanda veniunt. Nolim tamen hic confundas subitaneum cum instantaneo, naturalia equidem multa subito, brevissimoque temporis eveniunt intervallo, quæ non ausim miracula vocare, motus celerior esse potest, quo minutiores sunt transponendæ particulæ, animalcula enim armato solum conspicienda oculo intueri, viva illa concipe, cor succumque vitalem denegare non poteris, quin per cordis arterias humorum circulum, motum, pulsus, quodque ad vitam animalibus his æque ac aliis præbendam ac conservandam aptum, concedas, tempus jam determina: quo vitales contingunt actiones, brevissimum erit, ast minime instantaneum, vel igitur eventus brevissimo tempore prodiiisse apparet, & causæ antecedentes indagari possunt, aut instantanee, & illud cum ex nexu deduci possit naturale, hoc contra cæteris paribus miraculum audiet, quod naturæ cursui repugnat, ut constabit.

§. VIII.

Essentia mundi ut necessaria ita immutabilis est, ut si quid vel accedat, vel inde auferatur, eadem amplius non sit, omnia siquidem contingentia etiam futura in mundi essentia quasi ovula in utero lateſcunt, ut sive ad perfectionem pertingant, aut ad eandem non perveniant, existentiae tamen suæ in natura fundamentum omnino habuissent,

sent, si orta fuissent, ergo alia essentia, quodsi per omnipotentiam divinam mundo inferatur, ipsa mundi essentia mutabitur, partes segregantur, nexus dissecabitur, sicque miracula, ex causis naturalibus frustra deducenda essentiae mundi inserta, nexum tollent, immutabilitatem essentiae mundi invertent. Quis enim concipiet essentiam aliquam alii essentiae cum hac nullo modo connexae obtrudi posse absque hujus vel mutatione vel destructione? miraculo certe miraculum solvendum esset; motuum legibus non minus quam essentiae mundi inimicum: etenim lex a nemine in dubium vocata generalis sonat: quidquid movetur, ab alio moveatur: & actioni contraria semper & aequalis est reactio, pluresque aliae ex quibus Phænomena naturalia oriuntur omnia, ergo illi eventus, qui nexui ordinariorum immiscantur quidem, juxta regulas motus vero non oriuntur, legum earum certitudinem ni evertant, nimium quantum tamen debilitabunt. Ast miracula quis dicat motuum regulas imitari: profecto orientur per motum, ast non moventur ab alio quodam corpore, nullus enim intercedit nexus, in instanti adsunt, ubi ergo actio & reactio, quae aequali communicatione proportionentur?

§. IX.

Probasse hisce satis me arbitror ipsa miracula contra naturam ejusdem leges & essentiam certare eam evertere, non enim accidentia, quae nunquam non mutabilitati subjacent ipsam variabunt, quando etiam sub conditionibus ordinariis eventus prodiens, supponat mutationem motus aut materiae. Neque est quod regeras, miracula peculiari usu instituta esse & fine optimo: & ut cor-

C

pus

pus quiescens jam existere quod novo motu introducatur, ut miraculum fiat, quis enim absurdum esse non perspicit, rem quoad essentiam suam esse ante existentiam, non dicam: quod ut sic tamen successive fierent, si prior esset essentia quam existentia, quod tamen miraculo in instanti contingenti repugnat, id vero scire aueo, si ante existentiam jam adsunt, vel sunt cum universo connexa & naturam miraculorum amittent, vel non sunt, & quis erit usus cum Deus & natura nil faciant frustra. Forte quaeris: si ergo nullus miraculis statuatur in hoc mundo locus? & cum naturæ vires sufficienter nobis haud sint perspectæ, an omnia causis naturalibus sint adscribenda? dicam quod sentio: quin imo vires ingenii nostri completæ naturæ cognitioni impares sunt, interim cum facilius sapientiæ humanæ sit definire, quid res non sit, quam determinare quid sit, in detegenda cujusdam rei natura a faciliioribus jam cognitis ad obscuriora difficiliora processus est ordinarius, ut in effectus cujusdam nobis ignoti non ad infirmam opinionem, sed ad causas illiusque circumstantias intimius examinandas confugiamus, quæ si nos lateant cum analogis conferre, in ejusdem principia inquirere, & si viribus naturæ conveniant demonstrabili modo evincere juvabit, quod opinio præstabit minime, ex qua si dependerent miracula, innumera prodirent quotidie: repræsentationibus, quibus nil realitatis inest, in dies plurimi fallerentur, insciosque fallerent. Absolum insuper esse quis non judicet? subito ad potestatem creatoris provocare, infirmo ratiocinio concludere: Deus potuit hoc vel illud disponere efficere qualificare, ergo fecit, ut subito a posse ad esse transiliat; quid? non improbas

probas abusivam qualitatum divinarum venerationem, dum non pauci omnipotentia sapientiaque divina factum credunt, ut certis rebus vis & energia talis indita sit, qua effectus producant contraordinarios, quod citius ore enuntiatur quam re demonstratur: cum planum sit Deum non omnia velle, quæ frustra ipsius imputantur voluntati.

§. X.

Deus amat ordinem: jam e communi hac hypothesi varia Deo adscribuntur, quæ ordinem violant, minimeque idcirco voluntati ejus adjudicari possunt, quid quæso usitatus (ut ad Thema meum proximius accedam) quid commune magis? quam corruptos, complicatos, anomalicos, incongruos ex hæreditate interdum natos affectus, incantamenti adscribere, quot non pathemata mensium negotio prodeuntia, cum vermibus complicata, ex animi pathematibus genita, fascinationibus & viribus supra naturam agentibus adsignantur? quidquod non raro sub pallio vindictæ divinæ eximia ignorantia fraus diabolica latet, unde non raro simplicissimæ causæ naturales pro dæmoniacis potestatibus venditantur, quas si fugaveris, mirus miraculorum opifex prædicaris, fugitive autem ac citra ullam adhibitam prudentem effectuum quorundam inquisitionem, sufficientem indagacionem, necessariam comparacionem fascinationes accusare quid aliud esse arbitrer, nisi crassam cæcamque superstitionem, qua otiosa ingenia mox ad hoc Phantasmata & spectrum provocant, præter ullam rationem tam horridam causam expavescunt, propriam suam umbram exhorrescunt, causas & influxus naturales vane pro supernaturalibus æstimando superstitionem cum superstitione, Principem Dæ-

moniorum per Dæmonia ejiciunt, quæ si curatius perquirerentur, inculpatæ & accusatæ fascinationes paulo infrequentius occurrerent, sed certa est hominum species, quæ ad Dæmonem lucro gratissimum libentius confugit, quam ipsam ad veritatem non tantum commodi importantem.



§. XI.

Speciali autem tractatione occupatus, qua ea in foro medico obvia & ad idem referenda percurro, si miraculose contigerint: Hippocratem pro partibus meis stantem præterire nequeo, qui suo jam tempore ludicram virium supernaturalium accusationem reprehendit, dum de morbo sacro invehitur in eos, qui causis naturalibus omis-
sis præcipitanter nimium ad Deos confugiunt, hinc morbus sacer inquit, naturam habet, quam etiam reliqui morbi, homines vero naturam & causam ejus divinam esse putarunt præ inexperientia & admiratione, propterea quod reliquis morbis nulla re similis esset, & per inopiam quidem, quod non agnoscunt, divinitas ipsi conservatur, per abundantiam vero & parabilem modum sanationis medentur, exsolvuntur enim aut expiationibus aut incantamentis. Si vero propter admirationem diuinus censetur multi morbi sacri erunt & non unus. Addit insuper: qui primi hunc morbum sacrum esse pronuntiarunt, esse tales, quales etiam nunc sunt magi, expiatores, circulatores, & quidem arrogantes, qui ficta pietatis specie amplius quid scire se simulant, consilii & mentis inopiæ divinitatem obvelant, quod nihil haberent, quod exhibitum prodesset, ut ne manifesta fieret eorum ignorantia sacram hanc affectionem esse tutius putarunt, collectis rationibus

bus idoneis curationem constituerunt sibi ipsis securam, expiamenta offerentes & incantamenta. Dein de virginum morbis quantum non ridet illos, qui affectus earum Hysterico-Hypochondriacos Dianæ aut Dæmonibus tribuunt, vatumque monitu donaria ac sacrificia templis inferunt, ubi suadere potius videtur menstruum negotium expedire, & quantocius nubere: ita enim fore, ut graviditas omnibus his malis imponat finem, quid aliud de Scythis effceminatis enuntiat, cujus causam in iram Veneris Urania, cujus templum Ascalone in Syria quidam e Scytharum exercitu spoliavere, quod ideo morbum effceminatum iusta vindicta inflixerit his & eorum posteris. Teste Herodot. L.I.p.m. 23. edit. Camerar. ubi alium in modum non ratiocinatur publice profatus: mihi quidem hi affectus divini videntur sicut & reliqui omnes, neque ullum esse diviniorem aut humaniorem, sed divinos omnes, verum unusquisque eorum suam propriam habet naturam, neque aliquis citra naturam accidit. Sat clare delineasse antiquorum superstitionem videtur, quam posteri strenue æmulantur.

§. XII.

Comparatione quadam antiquos superstitiosos ægyptios inter & modernos papiculas bene instituta, haud multum discrepare inter se intelliges, quis enim lingua aut calamo fraudum multitudinem enarret? atroque carbone depingere satis queat perniciosam confusionem & veritatum corruptionem in fingendis suis miraculis? idolatria, superstitionibus, incantamentis veritatem profanando conspurcando, falsa opinione de diversis subjectis naturalibus vel realibus vel fictis & imaginariis divinam



quandam potestatem prædicantibus, quæ supra & contra ordinarias vires supra probatas atque exploratas facultates subjecti agat, Deum temerarie in subsidium vocando, plus ipsi attribuendo, ac ipse tum operibus tum verbo sese notum fecit, turpi fraude rudiores circumveniunt, quod circa Deum versari credantur; ac si in omnibus & minutissimis majorem Dei gloriam prosequantur, sed eo ipso Numinis honorem contaminantes egregia religionis cultusque divini specie, opinioniones fraudesque patrocínio atque autoritate Dei exornare contendunt, sub diversa & inversa sapientiæ larva ad varias superstitiones viam pandunt, vano zelo cæco rigore sine ullo fundamento solido Deum in & sub fictis qualitatibus certarum potestatum, profanatione potius, quam pio cultu, prædicationibus ad idololatriam plures inclinant, dumque imaginationes, persuasiones, veritatis splendore superbientes, scioli declamant propagant, fit, ut non modo fœda talis superstitio in corrumpeendis animis pro se militet, sed & vana illa credulitas sororias fidasque manus eidem porrigat, sustentet, nutriet.

§. XIII.

Sed quid agam? in Romana Ecclesia, ubi agmina miraculorum indies quasi nascuntur, a multis jam sæculis in morem abiit, ut qui supra vulgus saperent, receptasque vel consuetudines vel doctrinas oppugnarent, non solum in hæreticorum haberentur numero, sed igni etiam nullo unquam tempore intermorituro irrevocabili addicerentur sententia, cum econtra, qui per naturalem mentis imbecillitatem, ac profectam inde superstitiosam credulitatem, aut per simulationem in quæstum comparatam
omnes

omnes intenderunt nervos ad vindicandam religionem, id præmii mansit; ut post fata sanctorum titulo in senatum cœlestis curiæ conscripti, supplici cultu, dedicatis templis & feriis celebrarentur, quid me jam fiet si indirecte fraudes eorum, quas pias vocant, detexero? quas circa reliquias & miracula struunt, plebis credulitatem in suum verterentes emolumentum, quod doli genus sæculis XI. & XII. frequentissimum licet ex parte detectum fuerit, fructuosa tamen cum experiantur talia mendacia, monachi sine scrupulo tueri satagunt, non terreor autem vano hoc fulmine, absit a me dissimulatio: veritas veritatis amatoribus placebit, dedecet omnem; quisquis sit, ingenuum, veritatem abscondere: aggredior igitur rem ipsam de qua mihi tractandum.

§. XIV.

Non immerito ad illud oculos & attentionem dirigimus, e quo scaturiginis instar fecundissimæ plura promanant miracula, peregrinationes scilicet, non ignotum enim fore existimo, quam fertilis ibi miraculorum campus pateat, restantur votivæ illæ quæ in peregrinantium suspenduntur templis, tabulæ, loquuntur (si fides sit habenda) tot picturæ, imagines, crura manus & integra hominum corpora, quæ miraculo sanitati restituta, suam peregrinationi debere incolumitatem, comprobant plurimi, qui ad peregrinationes ut asylum certissimum votis ardentissimis convolant, falso persuasi, miraculosa sic pervulgata statura se sanandos aut suarum calamitatum finem visuros, norunt popæ & sacrificuli commodo suo maximo: quin certa etiam convincunt exempla, plurimos inde optatæ millies restitutos sanitati non miraculo tamen, sed

sed via naturali: medicorum siquidem curæ substant, charæque sunt non raro peregrinationes ejusmodi, quæ sublevandæ ac restituendæ sanitati non parum conferunt, & suas artis salutaris filii habent peregrinationes, ad quas valetudinarii aliorum remediorum usu vano, ut ad asy- lum & medium certissimum anxie anhelant, cujus ope vo- ti non raro compotes redduntur: & profecto sacræ illæ macræ forent ni virtus medica plus ageret quam imago miraculosa.

§. XV.

Peregrinatio omnis mutationem loci involvit, quæ aperte variationem aëris simul complectitur, jam tanto purior aër ipse judicabitur, quanto elevatiore loco expo- sitas frequentissime cernimus aras, quo peregrinantes fe- stinant: cumque vernali aut æstivo tempore suscipiantur, majorique populi confluxu celebrentur: quid mirum? si motione illa corporis, aqua montana saluberrimis suis e scaturiginibus profiliante sanitas vacillans erigatur, a- missa reparetur. Species ergo motus ad peregrinationem necessaria concursu aliorum adminiculorum profecto præ aliis motibus quotidianis salutifera magis habenda vide- tur: ambulationes, equitationes, vecturæ, navigationes, quid non opis præstabunt? cum libera mentis jam non motu coacto iter suscipientis accedat erectio, ut (pulso o- mni adverso animi affectu) fiducia, bonis votis similibus- que gratis affectibus velut comitibus ac sociis sublevetur: certum autem, quidquid animum erigit, corpori etiam proficit, cum igitur peregrinationes non mediocrem ani- mo inspirent satietatem, quid vitali œconomia non ob- veniet? etenim cum curis domesticis jam non vexentur,
conspe-

conspectu diverforum objectorum distrahantur, usu variorum hominum excitentur, quid non levaminis sortiantur? quando inquilinus aër ad exacerbationem præsentis morbosæ infirmitatis & afflictionis contribuit, perpetua modo aëris mutatione non parum humores persflantis atque expurgantis, quis facile eos levare non perspiciet? cum Galeni testimonio firmetur *L. I. de sanit. tuend.* purissimum & temperatissimum aërem in pulmones attrahere omnibus juxta salutare esse, impurum enim omni ætati adversari.

§. XVI.

Peregrinantes, quicunque sint, si observes, majori sæpe delectatione cibos captare reperies, commotio corporis crebrior avidiorem & ardentiolem excitat appetitum, ergo functio hæc naturalis innovabitur, quæ domi, quo magis magna cum sollicitudine & inquietudine de adversa sua valetudine cogitant, eo magis destruitur, supprimitur; quin aqua dulci limpida juvari ita se sentiunt, ut solo ejus usu sanitatem aliquando recuperasse dixeris, & e fonte petrarum integritatem hausisse putes, quas & Hippocrates non vili commendat encomio (*conf. Sam. CELLARII Origines & Antiquitates Medicæ*) tanto certius, quo fortius peregrinatio invitat, ut potus largior excipiat, hac enim via interiora magis humectantur, diluuntur, dum aliquando contingit, ut domesticis consuetudinibus parcius bibant, sicque morbificas causas facile contrahant aut generent: unde fit, ut sensim se- & excretionibus liberius & liberalius succedant, appetitus augeat, somnus magis æqualis constans & sufficiens reddatur, tandemque naturali libero & securo modo morbi status &

D

valor

valor infringatur, e fundamento sæpe tollatur, radicitus extirpetur, ipsaque sanitas sane sine miraculo restituatur.

§. XVII.

Varias affectuum invasiones si peregrinatione audieris sublatas, ne puta miraculo contigisse, naturale est: si enormes vertiginum molestias, cephalalgiae cruciatus, ophthalmiae tormenta, auditus vitia, tumores cedematofos innumeraque alia, quæ exemplis & historiis declarare odiosum & otiosum foret, peregrinatione curata legeris, cum enim a morbifica & inquieta sanguinis plenitudine ortum ducant, hæc variis modis corrigetur, dum motu corporis superflua & nimia copia successive efficaci resolutione imminuitur, partim intimiori permixtione ad æqualem temperiem ac puritatem promovetur, reliqua quoque copia & massa sanguinis magis attenuatur, æqualiter per universum corporis canalem distribuitur, unde varia excretoria, imprimis cutis pori aperiuntur, permeabiles redduntur, sufficiens ac necessaria transpiratio restituitur, difficilior sudatio allevatur, aliaque commoda in sanitatem redundantia naturali plane, placidoque modo provocantur.

§. XVIII.

E Mensium suppressione, quæ non horrenda symptomata sensus percellunt, per peregrinationes tamen feliciter expulsa? naturali quidem via; nam ad mensium perruptionem sufficientemque fluxionem, hanc motus speciem utilem esse, quis non intelliget? pulsa mentis cura, quæ in meticulosis & sensibilibus sceminis ob adversam valetudinem valde abjecta & afflicta est, sanguinis intensiore distributione ac circulatione, viarum se- & excretoria-

rum

rum meliori apertione, auctiori uteri actuatione, affluxu-
que & progressu sanguinis ad & per illum fortiore, adju-
vari salutarem illum fluxum apparet, invitari, facilitari
necesse est, & ubi miraculum? ubi fundamentum sanatio-
num miraculosarum in chronicis etiam affectibus ex va-
ria viscerum obstructione oriundis, quas plenis debucci-
nant papicolæ titulis? profecto non nisi in peregrinatio-
ne qua tali, sine respectu ad statum mortuam, aut ima-
ginem infirmam, mutatio domesticæ vitæ, molestiarum
oblivio, aliaque connexa integram mali curam facient,
& melancholiam, non raro conjunctam, si supponas, quid-
ni concedas objectorum varietate, gratisque negotiis cor-
ruptarum idearum oblivionem induci? malumque pro-
fligari.


§. XIX.

Cum medicis scribam: fusiore non opus est sermo-
ne, aliam Hæmorrhagiarum speciem pererrare, cum stri-
cto nexu mensium imitetur negotium, Hæmorrhoides
intelligo, multorum radicem symptomatum, quotidiana
enim docet experientia, peregrinatione, variisque sub ea
susceptis motibus, salutari & naturali fine illam terminari,
ut obvia sint & exempla, virorumque gravissimorum te-
stimonia: queis tanto lubentius supersedeo, quo commu-
nius omnium de arte salutari optime meritorum authorita-
te & hodie fundentur, & ad facilem & liberum Hæmor-
rhoidum successum laudati motus ejusmodi suadeantur.
Moderatæ siquidem concussiones locorum hæmorrhoi-
daliū, quæ sub itineribus contingunt, ultimam perru-
ptionem venarum sanguine jam tumentium adjuvant, ac-
celerant, dumque iidem motus alvinam excretionem pro-

vocant ac promovent; eo certius & citius hæmorrhoidum etiam successum alliciunt; quin, si specialissima observatione varios afferre casus pagina permetteret, frustra miraculo factum crederes, tot polyposa in & accrementa, rebellia ulcera, contracturas tabes certosque affectus paralyticos vi peregrinationis nude in se spectatae, quin ad prodigia recurras, successu salutifero curata fuisse, sterilitatem præcipue in gratam sæcunditatem fuisse mutaram quid vulgatius? ad quam, etsi ipsum motum cæteraque peregrinationis commoda contruibere posse non inficiar, quin potius virtutem sæcundæ conceptionis innovare defendam, adserere tamen in omnibus non auferim casibus, cum, si non imaginum staturæ mortuæ, sacrificulorum certe personæ vivæ devotione sua, influxuque majori, plurimum non raro contulerint, sed nunquid hoc miraculum?

§. XX.

Nolim tamen hic me arguas, manifesto me statuere miracula, cum absolute defendere non dubitem, affectus plurimos peregrinatione feliciter tolli, quos tamen (ni peccare velim contra & in ipsam medendi scientiam) via naturali curari posse videtur impossibile: temerario ausu immiscens affectus, quos omnes, qui primis saltem labiis degustarunt medicinam, incurabiles esse declamant: verum quidem non nego, morbos infaustos simul conjunxi, ast cum sanationem adhuc admiserint, suppones pariter, in tantum eos considerari, in quantum profundiores & firmiores non fecere radices, nec majores acquisivere progressus, viscera mediocri obstructione laborantia, præcipue si hepatis & lienis infarctus, glandularum mæsenterii indurationes, uteri & genitalium scirrhi fundamenta sternunt,



nunt, anxieque molestant, hoc in respectu deprædicatum adminiculum insignem utilitatem medicam aperitivam & discutientem pollicetur, actuque præstat: cum nec ultra miraculorum opifices agant, ni fraude & fucō credulos ut solent, decipiant.

§. XXI.

Ip̄sa veneratio atque invocatio sanctorum sanctarumque (de fraudibus si forte dubites) fatis te convincent, jungo simul reliquias, quas beatorum particulas esse venditant, caroque pretio vendendas asservant non immerito quidem, informia etenim quamvis appareant sceleta, succi ac vigoris omnis expertia, aureis tamen ea crederes gaudere venis, quæ globos sanguineis multo rariores & chariores continuo volvunt circulo, prodigo effundunt flumine in unum mercatorum & prædicatorum suorum emolumentum, qui, nescio quibus titulis, laudum præconiis, solitisque lenociniorum sophtismatibus, quibus inertia membra, infirmamque horum virtutem extollunt, in omnes afflictos, imbecilles, morbificis gravatos angustiis (si firma fiducia eo confugerint) certissimo effectu diffundendam, ut jam credulis nullus dubitandi relinquatur locus, quin hæc sacra sit anchora, ad quam recurrentes infallibilem malorum medelam sint consecuturi, verum est, & lubens concedo, non unum votorum suorum exinde vidisse, sensisse complementum, singulas enim Historias ut fabulosa figmenta declamare, fidem omnem denegare, stultum foret, sed neque idcirco ad aliud extremum insano magis saltu transeundum; medio tutissimus ibis, ipsique vi imaginationis virtutem maximam in his casibus si adscribas, non erraveris.

§. XXII.

Quantam vim imaginationi plures attribuerint, quantas vires in ea latentes deprædicaverint, non pauci scriptorum probant, qui ridiculo satis ratiocinio, luxuriante ingenio, sed abortivo iudicio fieri posse defendunt, ut imaginatione ejus, qui animam habuerit puriorem, a facie materiæ magis abstractam, sub fidere & imperio Jovis conceptam, nives & ventos excitet, longe distantes commoveat, sitque virtutibus hisce a Jovis influxu sibi communicatis, ipsa quasi Jovis imago, sit ipse quasi Jupiter (Avicennæ verba sunt) in tantum, ut agat sine contrario, operetur in distans sine medio, tandem in omnes res materiales eam exerceat potestatem, ut plus ab ea, quam ab ipsis agentibus naturalibus valeant alterari, ut hominem possit sine matre, utero, & femine generare, tonitruare, cur non & fulmina jaculari? horrenda vis? quam tamen ita certam vendit, ut ineptos autumet, qui non assentiuntur, non prævidens in ineptis ineptam sequi fidem; sit ut sit, pro scopo nostro sufficiet probasse, vi imaginationis morbos, rursumque sanationes phantasiæ lusu, maxime circa reliquias, ac Beatorum invocationem agentis, inferri, ut libens hic Pomponatio subscribam satis Emphatice enuntiantis, ossa canum tanta patratura fore miracula, si a colente putarentur esse ossa SStorum, quam si vere talia scirentur, per solam colentis imaginationem. Neque recurrere juvabit ad illud, demonstrationi rationali parum inserviturum, animam **Hominis Magnetem** esse (ut multis adserere placuit) qui quidquid demum appetit, in sua exaltatione ex quatuor Elementis ad se attrahat, insitaque erga animam obedientia, qua singulæ res mancipantur, fieri, ut ipsius ad vota
fortio-

fortiori desiderio nixa quamprimum obtemperent, Theoria gratissima, si praxin admitteret? ast quot cæci visum, quot surdi auditum, anxiis quidem sed irritis sibi precantur votis, quot miseri emunctos impleri oculos affectu intensissimo meditantur, sed effectum tristissimum lamentantur, alio igitur nostra ratio incedet fundamento.

§. XXIII.

Quotquot Medicinæ suam sacrarunt operam, illustribus medendi scientiam auxerunt observationibus, certioribus perfecerunt principiis, uno ore consentiunt: ægrotantis fiduciam affectuum gravissimorum sæpe mederi insultibus, fidem & spem erga medicum plus interdum efficere, quam ipsam cum medico medicinam, id enim virtutis inest fiduciæ, ut spiritus languescentes (si fas sit ita loqui) reviviscant, tardus humorum progressus, metu reconvalescentiæ inductus, jam novo vigore invalescat, purpurei laticis circulus increseat, actionum vitalium ac naturalium successui velificetur: jam vero fiduciæ plenos quis ferri non videt credulos ad ipsas sanctorum reliquias? quis diffidentiam, metum, mœrorem, (unde succi vitalis torpor, functionum turbatio natales ducit) exulare non perspicit? ut citra miraculum lege rationali, integra resurgat machina. Nec pugnat contra, sed probat id potius, evenus ille Parisiis 1725. publice ut miraculum declamatus, scripto Episcopali concelebratus, quod fœmina invocatione panis benedicti solenni processione per vicum quandam, quem ipsa inhabitaverat, deportati, subito sanata apparuerit: quæso enim circumstantias attende, vivacissimam mulieris perperam persuasæ imaginationem de præsentia reali & vera in pane circumgestato pondera, contentio-

tentionem, qua fortissima corporis agitatione manibus pedibusque festinans, processionem insequitur, explora, nonne vi imaginationis motuque corporis auctum fuisse sanguinis circulum fateberis? magnamque in partibus fluidis mutationem inde ortam concludes? e qua totum sanitatis negotium dependet. Concesso autem quod subitaneæ sanatio contigerit, quid sequitur? ergo miraculum: minime, instantaneæ contigisse requiritur, quod tamen medicamenta, quibus fluidæ cum solidis ad integritatem subsequenter aptatæ fuerant, satis refutant.

§. XXIV.

Simili Phantasiæ lusu Exorcistæ riribus suis, qui non minus doli quam superstitionis alunt, virtutem conciliant: quam effectui simili plures ab Episcopis non ordinati imitantur, decepti tamen & irridendi ambo, qui vel carminibus aut Exorcismis affectus naturales propellere cogitant medio tali, quod nulli sapientum probatur, quin fabulosum superstitione comitatum judicatur, quo verbum Dei in profanationem fumitur. Quasi morbi complicati, corrupti, transfigurati, nec raro hæreditarii ex fascino atque incantamentis nascantur, ubi superstitiosi homines mox mira sibi concipiunt, ad varias occasiones cum lepida Phantasia colludentes (unde fascinationes illæ ortum trahere videntur,) provocant ut intricatis in affectibus, a naturæ viribus unice propullulantibus, vires supra solitas naturæ regulas, effectus & influxus supernaturales accusent.

§. XXV.

Plurium enumeratione casuum ne paginam opera inutili obruam, sufficiet ille Parisiis vulgatus, quo Hystero-

rico-

rico-Epilepticam, convulsionibus infuetis, ineptis sermonibus, variarum rerum per os ejectionibus vexatam legimus, pluresque loci ejusdem incolas in templo præcipue simili spasmorum insultu correptos & ad maciem usque exhaustos fuisse, quis penitus examinans fascinum, quis Dæmonis obsessionem arguat? & quantum ad convulsiones, non video, quomodo in Affectu Hysterico Epileptico mirum quid involvant, qui sæpissime illis stipatus incedit comitibus, miraris potius, quare in ipso templo magis sævitiem & furorem spasmi exferant, suamque ludant tragædiam? sed ipsum hoc in imaginationem læsam referes merito, cujus tota vis reviviscit certis in circumstantiis, quæ objecta revocant, quarum actione primæ magisque notabiles impressiones factæ sunt, quidquod falso sibi persuadeant, se fascino ligatas, aut dæmonem fovere; quæ opinio cum intime obsideat animos, non mirum est, si vi harum impressionum simile quid efficiant, absone loquendi ratione adstantium aures percutiant, cum non ignorent communem populi rumorem, a Dæmone possessos in templis vehementius exagitari, mira blaterare. Conf. Dn. D. PRÆSIDIS Dissertat. *de morbo habituali motuum ex imaginatione*. Simile declarabitur in filia clangosis ructibus infestata, preces ad Deum fundere prohibentibus extra librum tamen liberum hoc exercitium permittentibus.

§. XXVI.

Sed hic nodus est Gordius inquis: res diversas vomitu rejectas causæ alii, quam fascino tribuere: sed, necdum victas ideo manus præbeo, Melancholiâ enim, qua frequentissime talia subjecta vexantur, id agit, ut ægri in-

E

scii

scii, quidquid manuprehendunt, in os ingerant, nec advertentes deglutiant, ubi Dæmon, ubi fascinum? si motu ventriculi inverso incongrua rejiciantur, ad quid Exorcismi? nisi clavum clavo trudas, imaginationem imaginatione emendes, quæ ipsa causa est, quod plures loci angustioris incolæ pari affectus insultu torquerentur, siquidem convolantes illuc homines, novas misellæ mulieris gesticulationes curiosiori oculo observasse non dubito, morbum pro dæmoniaco habitum continuis prosequentes cogitationibus; quæ fieri facile potuit, ut, quæ delicatam mollemque cerebri temperiem & ad hos effectus dispositionem nactæ sunt, iisdemque premerentur symptomatibus, quod confirmare videtur, Dn. D. PRÆSES Dissertat. memorata: & ignorare non possunt oculatiores medici, quæ passim obviant in spastica affectuum classe, ubi mirabilia profecto Phænomena licet obstupescant, de naturali eorum causâ indaganda tamen nunquam desperant, sedula cura malum superantes, convicti vel solo mensuum minus rite succedentium negotio, quæ enim motuum aberrantium schemata? jam exacerbata spastica & convulsiva, jam suppressa lipothymica & suffocativa per hæc sanguinis restrictiones, in iis, quæ lunare tributum non solvunt, satis experiuntur, quin plane ablata omni materia peccante solis ex animi pathematibus tantis insurgit natura motibus, qui non modo vehementia sua, sed & intricatiore indole admirandi veniunt, quis tamen ad causas supernaturales? quis ad exorcistas confugiat? qui non Rythmis solum, sed manuum impositione quoque credulos ludunt & loculos vellicant.

§. XXVII.

Profecto pari passu ambulant conjurationes in salutem sic dictorum energumenorum inventæ, & manuum impositiones plebis credulitatem obstetricante phantasia secundantes, quantos plausus non tulit famatus sed diffamatus hodie Greatrackius plures per manuum impositionem curas fingens? donec compertum esset omnes illas sanationes non nisi credulitatem populi pro fundamento habere, sitque simul animadversum putatitium hunc miraculorum opificem majori attentione scēminas, quam viros, medicantibus palpare manibus, ut nati inde amores clandestini fraudes detexerint, virtuti miraculosæ larvam deposuerint, teste CAROL. DIONYS. *de S. Evremond.* de quo plura PECHLIN. *in Observat. 1. 2.* suppeditabit. Si famosam quoque Regum Galliarum in tollendis strumis curam hic annecterem, firmæ muliercularum persuasioni maxima ex parte tribuerem. Profecto si strumæ, diversæ excrescentiæ, verrucæ per contactum manus mortui, applicatione horridi ac adversi subjecti reprimantur, reforbeantur, ut *A. N. C. Dec. 2. an. 2. observat. 140. an. 1. observat. 11.* exemplis confirmant, quid non ager manus Regis? quam effectum non spirabit potens illa Monarchæ dextera in credulo teneriore sexu venerabundis conceptibus cuncta inde sibi promittente, non tamen miracula, quæ protinus evanescere cogunt Medici, qui vim manus regię actuant, consilio & auxilio adstantes nec quamcunque strumofam admittentes vetulam, ast eas duntaxat, quas artis potentia curandas judicant: & quid hic miraculi?

§. XXVIII.

Nullus jam supererit ultra scrupulus hæc perpenden-

ti, qua tandem vi Amuleta, scapularia, pulvilli (vulgo agnus Dei) agant, multorum malorum monstra fugent, sui portatores contra omnia pericula defendant, ne fascinationibus morbificis, sagarum insidiis, aliisque corporis structuram multum lædentibus succumbant: quasi sancti illius depicti, quem secum jam ambulare quocunque credunt, præsidio tegantur, characteribus, signaturis miraculosis, virtute absoluta gaudentibus contra adversa muniuntur: sed ubi quæso virtus est? in figuris litterarum, an in intellectu sensuum? si in figuris: bene circa collum portantur, si in sensibus, profecto melius in corde reposita proderunt, quam circa collum suspensa, quam vero vim in corpus inspirent, nulla ratione assequi datur, si phantasiam sustuleris, nihil enim est, quod eam magis capiat, magisque decipiat, quam subiecta hæc; quorum gestationem salutaris non raro consequitur effectus, quamvis in se considerata sterilia ac debilia satis appareant, imaginatio tamen externis qualitatibus acrius ac contumacius nitens, figura colore magnitudine aliisque assimilationibus se delectans, extraordinarias, imo plane mysticas virtutes sibi declamatas plena fide de iisdem expectat.

§. XXIX.

Distinguere juvat pulvillos odoriferos quandoque medicis usitatos, nervino aliquo aut roborante effectui gaudentes ab iis, qui prærer signaturas, & characterum modificationes, nil habent, de quibus cum Rejesio dicas, si non meræ nugæ, inutilis certe & evanidæ arrogantia chimerae sunt Somniatoribus agyrtis convenientes magis, dum stultum populum ex appensione rerum vilium quodvis hariolantes in admirationem trahere, certo effectui promitten-

mittentes, crumenas emungere student, atque ut rudibus anxie quidquam anhelantibus complaceant, futili mendacio in optatam spem erigunt, ut apertis marsupiis liberalius tantæ felicitatis augures remunerentur, nugas apellat fraude turgentes, nec injuste, quam stupendas enim in favorem amuletorum finxerunt historias aut fabulas, ut nil jam in terris, nil in aquis reformidandum venerit, vulcani Neptunique furores umbra pulvillorum tecti feliciter evadentes? sed quis fatuas esse persuasiones abneget? quis obsoletas relationes, insomnia, reliquias historiarum & experimentorum antesignanorum non apellet? quibus, quicumque auscultaverit, facile in abyssum ridicularum Phantasiarum rapietur. Sed ne extra sphæram spatier, & alia, quam quæ foro medico subjacent, attingam sufficiet ostendisse, imaginationi nudæ in acceptis referendum si gestatione pulvillorum morbos aut superaverint, aut proximo in periculo non contraxerint: ut & ab ipsa peste immunes perstiterint fusius docet BARTHOLIN. *hist. anat. Cent. 3. hist. 41. Cent. 4. hist. 76.* nec minore fide dignus REJES. *q. 66. p. 891. n. 16.*

§. XXX.

Tanto magis autem Amuleta, variaque hujus furfuris subjecta arbitror aspernanda, quanto propius ad idololatriam accedere ab antiquissimis gentilium temporibus superstitionis labe infectis in hæc usque sæcula propagari historicorum fide constat, nec quemquam facile reperies recta ratione eventus diversos dijudicantium, qui non rideat nugas tales anilis sapiente indignas, cum rei sanctæ nuda significatio Physicam qualitatem nullam vocabulis imprimat, characteres incogniti nil sint, nisi artificis idea,

cui hoc vel illo placuit imprimere ordine, nec a morbi auctore, nec a se ipsis efficaciam ullam habere queant, steriles sunt figuræ, quarum nulla est in agendo potentia, neque enim ab impresso sigillo, aut quocunque caractere, sed a substantia vis in agendo dependet. BIDLOUM consule Exercit. anatom. chirurg. increpantem audies eos, qui putant vel Dei, Apostolorum aut quisquis demum sit, beati nomen ad morbi eliminationem sufficere; vidit is, Hiobi nomen chartulæ inscriptum, amuleti in modum collo appensum contra pestem, imo luem veneream frivole prædicari & *Act. medic. Uratislav. 28. tent.* Clericum minoritam allegant, qui ægris devorandam exhibebat schedulam, in qua verba hæc minorita non indigna legébantur: in omine Dius pater & filius & spiritui sancto, nonne impiam hic fraudem, superstitionem execrabilem arguis?

§. XXXI.

Oculos si non dedigneris vertere in fœminas partu laborioso aut difficiliore laborantes, miraberis quidem, credulas simplici frusto corii a fratribus cucullatis persuadendi artem optime callentibus porrecti, levamen sæpissime sensisse, aut ridebis simul, quod virtute mystica superna fœtum promoveri sibi persuaserint, relictis enim aliis partus difficultatibus, unicum situm fœtus vitiatum confideres, hunc a corio corrigi posse quis dicat? nisi qui ultra crepidam ratiocinari ignorat: casum conferre libeat ex *Act. Nat. Cur. Dec. 2. an. 8. obs. 17.* partum scilicet campanarum sono facilitatum. Profecto simili virtute cum corio ager campana. Adde ex Reinero Solenandro (ut plures alios taceam) quod parturiens filium sit enixa devorando chartam,

chartam, cui inscripta solum fuere remedia, intelliges, quid fiducia, quid imaginatio possit in removendis partus difficultatibus?

§. XXXII.

Decipiuntur miraculorum ad nauseam & superstitionem fautores, si aliis in eventibus, ubi imaginatio vix locum habere videtur, ad sua recurrant instrumenta, ad suos appellant ritus aut jocos, quorum subtilitate occæcati, vel crassitie obvelati intueri clare prohibentur, quid medicina interveniens contulerit; cujus potentia puellus variolis laborans Lugdunensis sex septimanarum spatio amisum recuperavit visum (litter. histor. Gallic. 1727. mens. Mart. p. 368.) cum sana ratio dictitet oculos pueri veriolosi non ita laborasse, ut miraculo opus sit, integri cum fuerint oculorum globi, nec nisi mucro albicante, tumore palpebrarum, conglutinatione ciliorum ab actione libere exercenda impediti, ut frustra missarius suo purificatorio aliisque reliquiis, ter applicatis, ni sextus numerus aliquid forsan effecerit, successum arroget forte fortuna contingentem salutiferum. Evenire siquidem communiter asolet in infantibus variolantibus, ut ocelli sæpissime oclusi, sponte subito ac præter omnem expectationem aperiantur, palpebræ, si tumor jam nullus obstet, solaque conglutinatio obicem ponat, spontaneo nisu a se invicem secedant, sine ope aut missarii cujusdam aut purificatorii, quod cum imprægnatum sit sæpe vino, robore nervino, quo gaudet, contribuere quidquam posse non inficior, procul tamen a miraculi ordine. Plura si petas, hujus casus illustrationem vide in dissertat. *de miraculo imaginario in oculorum graviore morbo.*

§. XXXII

§. XXXIII.

Saltem inquires, id omnem naturæ ordinem excedit, quod in ecstasi rapti plurimi futura præfagiant, spiritu quasi prophetico varia vaticinentur, quod cum crebro contingat, cur miraculis præcludatur via? assentirer lubens ni contrarium sana suaderet ratio, quam certa morborum confirmat indoles, nec paucae convincunt observationes idem adnotantes. Catalepticos, aliorumque cerebri adfectuum spasticorum ætiologiam qui norit, subjecta talia communiter alta inter suspiria ad se redire, mira sæpius, quæ vel auribus vel oculis percepisse sibi fingunt narrare non ignorat, accedit, quod sceminae præ viris ob fibras molliores ac sensibiliores spasmodi ejusmodi reperiuntur expositæ, quarum teneriori structura, ad suscipiendos generis nervosi motus inordinatos proclives admodum, ad impressiones animique passiones fortiores tenaciter fovendas, morbos ex corrupta Phantasia suborientes citius dispositæ deprehunduntur, quid impedit igitur, quo minus catalepticam appellem virginem illam 1707. Parisiis pro Ecstatica habitam, quæ, cum ex mensium suppressione affectionem contraheret, apertius spasmos via ordinaria sævisse, insultum catalepticum naturaliter decurisse indigitat, nec refert, quod sub invasione, & fine paroxysmi, fronti manum applicaverit, ac varia pietatis signa dederit, ruunt hæc, vanamque miraculi speciem exuunt, quod dum Medicorum curæ commissa esset, jam nec visiones viderit, omnemque Phantasticæ ecstasis ideam amiserit.

§. XXXIV.

Ut sensim ad finem tendam, ipsas ultimo loco Hæmorrhagias & sudationes cruentas sparsim in multis auctori-

thoribus miraculosas fabulose pervulgatas appono, pro-
fecto qui facile credit facile decipitur, qui cæco pruritu
talibus narratiunculis fidem dare, neque necessarias cir-
cumstantias indagare satagunt, aberrabunt facile. Causas
perpendere juvat, ne cita fiat conclusio pessima, Papa di-
xit: ergo verum est. Sed quænam via ineunda hisce fe-
tricis expediendi? non fallit Medicorum contemplatio,
sanguinem in demortuis facile congrumescere, fibras mo-
trices ut plurimum obrigescere, ac proinde cruorem suis
in vasis stagnare citius, quidquod Hæmorrhagiæ quædam
breviter post mortem subsistant, & in affectu illo, mortem
quadantenus præsentante syncoptico & lipothymico, ve-
næ incisæ, vascula vi disrupta, moderata vulnera sanguinem
stillare desinant, quod filum igiturprehendendum, ne la-
byrintheis ambagibus errabundus prehendaris, ne insolita
aut prodigiosa sanguinis stillicidia in defunctis existimes?
dicam: Physicorum proximior occupatio, quia circa res
naturales versatur, ita singulares respectus, causarum na-
turalium ad œconomiam vitalem applicandarum nexus
qui occurrunt intacti haud sunt relinquendi: frequentior
observatio ejusque cum causis Physicis conciliatio præter-
eunda haud erit, jam vero: quot observationes non pro-
stant? quot exempla non obviant in mortuis hæmorrha-
gias erumpere?

§. XXXV.

In vulgus notum est apoplexia sanguinea demortuos,
post fata cruentos apparuisse; observationibus non pau-
cis constat, eosdem jam e naribus, jam ore, quin & oculis
sanguinem plorasse, (conf. Dn. D. PRÆSIDIS Disp. de Hæ-
morrhagiis mortuorum) tanto manifestiore causa, quanto
F certio-

certiore argumento ipse hic affectus a repente turbato progressu sanguinis per cerebrum, aut hujus infarctu nimio ortum trahere probatur. Finge jam tibi cerebrum sanguine oppletum, largo cumulo coacervatum, superveniente motu efficaciori intestino agitari; majorem fibrarum molliem, laxitatem majorem simul concipies, ut sanguis, qui nunc in ultimo eruptionis puncto hæret, pleno flumine erumpat e teneris membranoso vasculosis narium infundibuli oculorum & aurium locis, quibus fortis ille motus intestinus colliquationem provocat, ut tanto liberius effluxio contingat, ut ipsæ partes solidæ diffuant, cito deliquescant, & facta inde majori apertura plenior quantitate pullulare sanguis continuat.

§. XXXVI.

Quis hæsitet in causa naturali inspicienda, si in moliminibus Hæmopryicis, si calidis partim remediis pectoralibus exacerbata, partim traumaticis & adstringentibus turbata & impedita fuerint, superveniente emortuali partium rigore, sanguis in partibus majori copia turgentibus intensius compressus tandem erumpat? ex locis infarctis sese effundat, eo majori flumine, quo numerosiora vasa sanguifera ulcere illo erosa ac aperta sunt? quid rationi contrarium? si & in scæminis subitanea mensium aut lochiorum suppressione extinctis, congestione sanguinis intra caput, vasorum infarctu, rigore fibrarum, partium teneriorum dilaceratio & crepatura inducatur? ut lochia tandem per nares effluant, sicut in vivis aliquoties observatum est. Superfluum existimo, de Monialibus & virginibus fusius verba facere; de quibus tot sudationum cruentarum historiae memorantur, attento earum habitum
fi

si examinemus oculo, vegetis animæ & corporis viribus instructas, sanguine florido oppletas, animo inquietas, impetuosas commotionibus obnoxias reperiemus, jam supponamus eas in funestam uteri hæmorrhagiam incidere, sub eadem succumbere, aut fluxum mensium cessare penitus lethali fine, quid mirum? si profusio uterina post mortem continuet, motu in sanguine restitante, per apertam viam ulterius fluxu insistat, aut in suppressis mensibus, ex diversis locis eructet, tanto facilius: quod sub tali calamitate calida uterina emmenagoga non raro propinentur, quæ sanguinis massam intestino & universali progressivo, & particulari congestorio motu in ominosam magis transferunt impetuositatem, quin uteri inflammatio sæpe insequitur, ut suo jam pondere sub initiante putredinoso intestino motu ex uteri partibus emortuali rigore tono destitutis effluat latex sanguineus.

§. XXXVII.

Phantasias otiosas mirasque nugas circa corporum incorruptionem, & lucidos, quibus post mortem aliquando cincta apparent, splendores aperire, causasque plane naturales exhibere utique libuisset, verum cum medicos proxime isthæc non tangerent, quorum nullum est cum mortuis commercium in hoc respectu, ipsa denique pagella plura non sustineat, acquiesco, lectores benivolos rogitans, pauca hæc boni consulant, benigno affectu & serena fronte suspiciant, sique ad particulares specialesque casus ubique non descenderim, ex allatis prompte deducendos, materia, campo volumen exigenti imputent. Numini autem supremo vota facimus, ut cuius in nomine suspiravit initium, ejusdem in laudibus resonet

F I N I S.

F 2

CLARIS.

certiore argumento ipse hic affectus a repente turbato progressu sanguinis per cerebrum, aut hujus infarctu nimio ortum trahere probatur. Finge jam tibi cerebrum sanguine oppletum, largo cumulo coacervatum, superveniente motu efficaciori intestino agitari; majorem fibrarum molliem, laxitatem majorem simul concipies, ut sanguis, qui nunc in ultimo eruptionis puncto hæret, pleno flumine erumpat e teneris membranoso vasculosis narium infundibuli oculorum & aurium locis, quibus fortis ille motus intestinus colliquationem provocat, ut tanto liberius effluxio contingat, ut ipsæ partes solidæ diffuant, cito deliquescant, & facta inde majori apertura plenior quantitate pullulare sanguis continuet.

§. XXXVI.

Quis hæsitet in causâ naturali inspicienda, si in moliminibus Hæmoptycis, si calidis partim remediis pectoralibus exacerbata, partim traumaticis & adstringentibus turbata & impedita fuerint, superveniente emortuali partium rigore, sanguis in partibus majori copia turgentibus intensius compressus tandem erumpat? ex locis infarctis sese effundat, eo majori flumine, quo numerosiora vasa sanguifera ulcere illo erosa ac aperta sunt? quid rationi contrarium? si & in fœminis subitanea mensium aut lochiorum suppressione extinctis, congestione sanguinis intra caput, vasorum infarctu, rigore fibrarum, partium teneriorum dilaceratio & crepatura inducatur? ut lochia tandem per nares effluant, sicut in vivis aliquoties observatum est. Superfluum existimo, de Monialibus & virginibus fusius verba facere; de quibus tot sudationum cruentarum historiæ memorantur, attento earum habitum

fi

si examinemus oculo, vegetis animæ & corporis viribus instructas, sanguine florido oppletas, animo inquietas, impetuosis commotionibus obnoxias reperiemus, jam supponamus eas in funestam uteri hæmorrhagiam incidere, sub eadem succumbere, aut fluxum mensium cessare penitus lethali fine, quid mirum? si profusio uterina post mortem continuet, motu in sanguine restitante, per apertam viam ulterius fluxu insistat, aut in suppressis mensibus, ex diversis locis eruget, tanto facilius: quod sub tali calamitate calida uterina emmenagoga non raro propinentur, quæ sanguinis massam intestino & universali progressivo, & particulari congestorio motu in ominosam magis transferunt impetuositatem, quin uteri inflammatio sæpe insequitur, ut suo jam pondere sub initiante putredinoso intestino motu ex uteri partibus emortuali rigore tono destitutis effluat latex sanguineus.

§. XXXVII.

Phantasias otiosas mirasque nugas circa corporum incorruptionem, & lucidos, quibus post mortem aliquando cincta apparent, splendores aperire, causasque plane naturales exhibere utique libuisset, verum cum medicos proxime isthæc non tangerent, quorum nullum est cum mortuis commercium in hoc respectu, ipsa denique pagella plura non sustineat, acquiesco, lectores benovelos rogitans, pauca hæc boni consulant, benigno affectu & serena fronte suspiciant, sique ad particulares specialesque casus ubique non descenderim, ex allatis prompte deducendos, materia, campo volumen exigenti imputent. Numini autem supremo vota facimus, ut cuius in nomine suspiravit initium, ejusdem in laudibus resonet

F I N I S.

F 2

CLARIS-

CLARISSIMO ET DOCTISSIMO
DOMINO CANDIDATO

Μακαρίότητα precatur

P R Æ S E S.

QVam copiosus, proinde etiam fabulosus & superstitiosus, numerus Miraculorum Medicorum in Ecclesia Catholica recensetur, satis superque constat; siquidem deprædicata Sanctorum Lipsana, admirandis & fere divinis proprietatibus lustrantia, cultu æstimantur religioso. Inter alia talia subiecta & schemata innotuit Aqua illa, vel quasi Sancta, expiatoria, expurgatoria, Lustralis, sic dicta benedicta, de qua superstitiosi papicolæ, lepida ostentatione, canunt, aqua benedicta, tollit omnia delicta, hujus aquæ tactus propulsat dæmonis actus, sicut grandiloquus ille Jesuita *Franciscus COSTERUS in lib. de Societate b. Mariæ Virginis p. 333. Guil. DURANDUS lib. 4. rational. div. offic. c. 4. p. 96 sq.* alique multa spiritualia & medica miracula de eadem temere fingunt & enarrant, quorum multis vicissim *BELLARMINUS Lib. 1. de Sacram. in genere cap. 13. §. 6. contradicit*: quemadmodum autem Ethnici ad labrum æneum tabernaculi populi Judaici aquæ & lotionis sacrum usum imitatione didicerant, teste *BARONIO*, ita postea talis mos Christianis, proxime etiam, superstitioso modo, usu receptus fuit, referentibus *CLEMENTE, TERTULLIANO, EUSEBIO, PAVLINO &c.* inde successive talia commenta excogitata & ad creduli populi seductionem aucta & propagata fuerant, quæ vero talia signa, portenta, miraculaque in novissimis sunt annis, ut in errorem inducantur, si fieri posset, electi, *conf. 2 Thess. II, 9 sq.* hinc *Abbas Job. TRITENTHEMIUS Lib. 8. quæst. ad Maximil. qu. 3.* profes-

professus est *hodie a veris Christianis nulla miracula quaerenda sunt, vel expectanda*: quare inter ipsos Pontificios quidam summo Pontifici facultatem miracula proferendi denegant & abjudicant: sicut Innocentius IV. thesauros suos Thomæ Aquinati monstrans, dixit se non posse cum Apostolo Petro testari, quod aurum & argentum non possideat; cui mox alter regessit: Sancte Pater! nec Tu reliqua verba Petrina cum effectu eloqui potes: Surge & ambula. De falsis, spuriiis, æquivocis & fraudulentis Miraculis, in Medico foro obviis, tu CANDIDATE PRÆSTANTISSIME Inaugurali præsentis hoc Specimine disferere laudabili studio suscepisti; Campus enim iste perquam amplus est, in quo Morbi certis familiis proprii, per hæreditatem propagati, e malis moribus, animi affectibus, phantasia, vitiosa diæta, turbulento vitæ genere, semi virulentorum, narcoticorum & confusorum elementorum, alimentorum, potulentorum & medicamentorum usu nati, ut & imprecatione, deprecatione, sympathia, antipathia, transplantatione geniti &c. frequenter eveniunt, qui æmulantur proferuntque tale objectum, circa quod mendax & subdola talis miraculosa medicina occupari & negotiari potest: Tu vero tales crabrones merito irritasti & destruxisti. Quemadmodum enim huc usque cursum & decursum Medicum in nostro Lyceo assidua Doctissimorum Virorum institutione transegisti, indeque elegantem Scientiarum salutarium thesaurum Tibi comparasti, præterea antehac modo egregiorum studiorum cimelio ornatus nobis innotuisti, porro etiam proba, modesta, sobria, honesta, integra & inculpabili ratione vitæ & socialitatis Tuæ singulis Te commendasti, ut dignus æstimatus fueris, quo in Facultate Medica, consensu benevolo, imo benefico, Ordinis nostri Inclyti, Honoribus & Immunitatibus solennibus

Academicis exorneris, de quo igitur bonis Te prosequor
 ominibus, spe illa favente & sincera suffultus, nunquam
 gratæ Tuæ recordationi excisurum, quibus favoris, amo-
 ris, benevolentiae & Patrocinii amplexibus, quippe pere-
 grinus & antehac ignotus apud nos fueris exceptus. Fa-
 xit porro cœlestis benedictio, ut in reliquum tempus o-
 mnia Tibi salutariter & feliciter eveniant. Dab. VII.
 Iduum Aprilis Ann. MDCCLIII.

P Hæbi	chara proles!	sic scandis	culmina	laudis?
chara proles	fortis	lauri	vinciris	honore:
sic scandis	lauri	montes,	sic perge	per alta
culmina,	vinciris,	sic perge	per alta	triumphus,
laudis	honore	per alta	triumphus	in orbe re- fulget.

VIVE DIV VegetVs fLoresCens tVtVs honore:
 hIC hECk hoC Voto est: Cæpta seCVnDa fLVant.

*In perpetuae amicitiae & fidei non mori-
 tura monumentum hæc Dn. Docto-
 rando adposuitamicus integerrimus*

Christian Gottlieb Ucke,
 Livon. Oppon.

TE vois je Aurore brillante messagere
 Du jour? qui couronne les travaux
 D'un Ami, dont le coeur tendre & sincere
 Me rend ce Séjour court & beau.
 Aimable Ami? qui avec moi naquites
 Dans le Sein de la même Patrie;
 Cueillés les fruits de vôtre conduite,
 Et meprisés la foible envie,

Ce

Ce monstre hideux terrassé par votre gloire
Mugissant rempe sous vos pieds,
Un gouffre léglouti, & la victoire
Vous Couronne de ses lauriers.
Que chaque instant augmente ma tendresse
Fuyés soucis & cedés à l'amour.
Ami souvenés vous de moi sans cesse.
Vivés heureux, & cherissés toujours.

*Votre très fidele & très obeissant
ami & serviteur*

Pfeffel,

Etud. en droit de Colmar en Alsace.

DUlcis Amice! Tibi custos Tutorque salutis
Præmia dat Phæbus digna labore Tuo;
Hac lege, ut cunctis semper pro parte virili
Inservire velis, omne levando malum.
Hoc facies promptus, nam Te natura Galeno
Composuit similem dexteritate sibi.
Gratulor ex animo tantos Tibi lætus honores,
Dignum Doctorem pulpita docta creant,
Adprecor annosæ maneant te gaudia laudis,
Te medico mortis vis cadat atque furor.
Dii Tibi subveniant ægrotis pocula danti,
Consiliumque Tuum dirigat ipse Deus.
Vive diu felix, superando Nestoris annos
Denique care Tuo semper, amice fave.

*Hisce clarissimo Dn. Doctorando amico
suo æstumatissimo fidem testatur
amicus intimus*

Justus Franc. Lindener,
Hallens. Medic. Candid.

Non

Academicis exorneris, de quo igitur bonis Te prosequor
ominibus, spe illa favente & sincera suffultus, nunquam
gratæ Tuæ recordationi excisurum, quibus favoris, amo-
ris, benevolentiae & Patrocinii amplexibus, quippe pere-
grinus & antehac ignotus apud nos fueris exceptus. Fa-
xit porro cœlestis benedictio, ut in reliquum tempus o-
mnia Tibi salutariter & feliciter eveniant. Dab. VII.
Iduum Aprilis Ann. MDCCLIII.

P Hæbi chara proles! sic scandis culmina laudis?
chara proles fortis lauri vinciris honore:
sic scandis lauri montes, sic perge per alta
culmina, vinciris, sic perge per alta triumphus,
laudis honore peralta triumphus in orbe re-
fulget.

VIVE DIV VegetVs fLoresCens tVtVs honore:
HIC HECK hoC Voto est: Cæpta seCVnDa fLVant.

*In perpetua amicitia & fidei non mori-
tura monumentum hac Dn. Docto-
rando adposuitamicus integerrimus*

Christian Gottlieb Ucke,
Livon. Oppon.

TE vois je Aurore brillante messagere
Du jour? qui couronne les travaux
D'un Ami, dont le coeur tendre & sincere
Me rend ce Séjour court & beau.
Aimable Ami? qui avec moi naquites
Dans le Sein de la même Patrie;
Cueillés les fruits de vôtre conduite,
Et meprisés la foible envie,

Ce

Ce monstre hideux terrassé par votre gloire
Mugissant rempe sous vos pieds,
Un gouffre léglouti, & la victoire
Vous Couronne de ses lauriers.
Que chaque instant augmente ma tendresse
Fuyés soucis & cedés à l'amour.
Ami souvenés vous de moi sans cesse.
Vivés heureux, & cherissés toujours.

*Votre très fidele & très obeissant
ami & serviteur*

Pfeffel,

Etud. en droit de Colmar en Alsace.

DUlcis Amice! Tibi custos Tutorque salutis
Præmia dat Phæbus digna labore Tuo;
Hac lege, ut cunctis semper pro parte virili
Inservire velis, omne levando malum.
Hoc facies promptus, nam Te natura Galeno
Composuit similem dexteritate sibi.
Gratulor ex animo tantos Tibi lætus honores,
Dignum Doctorem pulpita docta creant,
Adprecor annosæ maneant te gaudia laudis,
Te medico mortis vis cadat atque furor.
Dii Tibi subveniant ægrotis pocula danti,
Consiliumque Tuum dirigat ipse Deus.
Vive diu felix, superando Nestoris annos
Denique care Tuo semper, amice fave.

*Hisce clarissimo Dn. Doctorando amico
suo æstumatissimo fidem testatur
amicus intimus*

Justus Franc. Lindener,
Hallens. Medic. Candid.

Non

Non nisi per magnos ad præmia magna labores.
Itur, at ignavis nulla corona datur
Dum claro aggredieris doctoque labore mereris
Motus ab exemplo nobiliore decus
Et primum sacram conscendis Amice cathedram
Gratulor ingenium non latuisse tuum
Perge sequi porro laudes, & parta tueri
Ipsa Tibi veniens gloria major erit.

*His paucis Doctissimo Domino Docto-
rando amico suavissimo dum do-
ctores capefferet honores, obve-
nire, & fidæ amicitie tesseram
erigere voluit*

Johann. Frideric. Lieberoth,
S.S.Th. Cult. Eglenfis Magdeburg.



Non nisi per magnos ad præmia magna labores.
Itur, at ignavis nulla corona datur
Dum claro aggredieris doctoque labore mereris
Motus ab exemplo nobiliore decus
Et primum sacram conscendis Amice cathedram
Gratulor ingenium non latuisse tuum
Perge sequi porro laudes, & parta tueri
Ipsa Tibi veniens gloria major erit.

*His paucis Doctissimo Domino Docto-
rando amico suavissimo dum do-
ctores capesseret honores, obve-
nire, & fide amicitia tesseram
erigere voluit*

Johann. Frideric. Lieberoth,
S.S.Th. Cult. Eglenfis Magdeburg.



